

程尙贊字北涯號萊山由明經授南昌通判常祿外一無所
取在郡九年廉介如一日遷饒州同知分駐景德鎮裁省
冗費通惠商民試署瑞州吉安九江贛州府篆有治聲巡
撫阿思哈保薦陞署建昌知府三月卒於官

汪筠字珊立號謙谷丙辰舉鴻博不第由光祿寺署正任安
西同知卽今之安西直隸州也境內田畝資昌馬蘇勒黨
河諸水灌溉渠工最爲緊要筠捐麥一百二十石開鑿磨
菇溝下流二十里以蓄水勢推陞雲南永北知府府漢少
夷多撫綏不易夷種有六曰白夷裸獯夔人西番麼麼勞
斐惟勞斐最爲剛暴出入持弩傷人犯不易獲筠恩威並

桐鄉縣志

卷七

列傳

三十七

用犯旣易獲案亦漸稀歷任長沙知府早年一諾千金賴
以舉火者不乏晚歲及身貧困無幾微尤悔之見有貸必
償尤能爲人之所不能爲工詩善畫錢侍郎載極珍賞之
濮啓元號玉岩乾隆癸未進士少授業於桑水部調元初選
來鳳縣知縣後調灌陽縣知縣培植多士捐俸修葺學宮
部民勒石以銘其德居官不名取一錢後引疾歸宦橐蕭
然以舌耕老

趙珮字玉亭號倣北乾隆三年由太學棟發雲南通判署大
理通判兼管興隆銀廠兼攝劍川州會地震屋宇傾圮兵
民壓斃九百餘口奉檄辦災按戶親查悉心賑恤民夷悅